

南陵縣志卷四十

藝文志

文

論祀典疏

晉何琦 邑人

晉穆帝升平中何琦論備五嶽祠曰唐虞之制天子五載一巡狩順時之方柴燎五嶽望於山川徧於羣神故曰因名山升中於天所以昭告神祇饗報功德是以災厲不作而風雨寒暑以時降及三代年數雖殊而其禮不易五嶽視三公四瀆視諸侯著在經記所謂有其舉之莫敢廢也及秦漢都西京涇渭長水雖不在祀典以

南陵縣志

卷四十 藝文

十一

近咸陽故盡得比大川之祠而正立之祀可以缺哉自永嘉之亂神州傾覆茲事替矣惟瀋之天柱在王略之內舊臺選百戶吏卒以奉其職中興之際未有官守廬江郡常遣太史兼假四時禱賽春釋寒而冬請冰咸和迄今又復墮替計今非典之祠可謂非一考其正名則淫昏之鬼推其糜費則百姓之蠹而山川大神更爲簡缺禮俗頽紊人神雜擾公私奔惑漸以繁滋良由頃國家多難日不暇給草建廢滯事有未遑今元愍已殲宜修舊典嶽瀆之域風教所被來蘇之衆咸蒙德澤而神明禮祀未之或甄巡狩柴燎其廢久矣崇明前典將俟

皇輿北旋稽古憲章大釐制度俎豆牲牢祝嘏大辭舊章靡記可令禮官作式歸諸誠簡以達明德馨香如斯而已其諸妖孽可粗依法令先去其甚俾邪正不黷時不見省

申免工山坑冶劄子

宋郭 巖 知縣

自六朝及唐南陵號爲坑冶之地庚子山枯樹賦所謂南陵以梅根作冶其來久矣方輿記載梅根寰宇記載銅官山唐志載利國山有銅有鐵鳳凰山有銀又云梅根宛陵二監錢官今皆屬他境然其地亦不產銅矣父老傳云縣有監

南陵縣志

卷四十 藝文

十二

鐵坑在南蓋唐所置今廢亦無遺迹紹興初鍾琳告發南瀋場銀鉛坑既而差官置場興取據所差官申其坑打見石障委是苗脈微細不可興取遂罷鍾琳又告發牧衝銅坑本府出榜召人買撲久無人肯買亦罷惟大澗口鐵冶係汪暄請買每年認納課利一百貫文新興爐係甯祥請買每年課利一百二十貫文歲入無幾而衆集亡命斬伐樹木因而鼓鑄公私以爲病皆願罷之巖嘗以此徧申諸道具劄子云

堯輒有公懇干犯崇嚴據本縣免解進士張基等狀稱

本縣有工山祠血食歲久凡有雨暘愆伏官民求禱無不靈驗前後申請朝廷重加封號廟曰廣惠侯號曰冲眞顯貺自去年夏秋亢旱官民虔禱雖小雨隨應未免終早止緣廟後創興鐵冶鑿斷山谷耗泄氣脈驚觸神靈作壞風水以至災害今歲自春至五月雨乃艱得田土龜坼見種秧苗無水栽蒔深慮得雨後時幾至失業伏睹縣廳設醮爲民祈禱基等所見若不住罷鐵爐恐徒竭至誠未能響應况所鑿之山正是本縣來龍及廟主山其鐵爐課利每歲入官初不甚多乃使百里之內所禱不應早嘆薦臻深爲未便考西漢貢禹嘗論工山

取銅之害以其鑿地數百丈銷陰氣之精地藏空虛不能含氣出雲斬伐樹木犯冒時禁水旱之災未有不由此也往年愚民無知獻工山爐利於官而縱民穴鑿其下惟利是嗜不恤其他浸淫歲久始在山麓今在山腹侵截地脈震驚神靈伐兩山之木以供薪炭雖稚葉柔條不得免焉神所依蔽以出雲氣者殆將無餘是工山之神且不能自安而何暇恤吾民乎以魯恭卓茂爲令而有求於神亦將不雨矣堯既據前項所述陳迹又有甚害敢并言之工山鐵冶以來作於爐所者皆羣不逞亡命之徒據深山窮谷人蹟不到之地恣爲奸盜私鑄

錢遍滿境內至不可禁止今市井交易官務酒稅細民輸納皆鐵錢矣窟穴深祕黨類凶強鄰保不敢詰巡尉不敢捕前歲之旱堯親率官吏伏謁祠下撤蓋徒步至於山巔周覽徘徊見其林木荒殘而山之高下掘鑿殆遍固嘗有意於此今又得士民所陳去歲中夏不雨秧老未熟堯嘗默禱於神謂神血食茲土有功於民何向之有靈而今之不若誠爐冶褻慢之故願賜甘澤倘得如應堯將明以告郡太守而議所以去之是夕得雨繼而連綿遂大霑洽則神之心亦可見矣堯尋檢照得工山爐內大澗爐自隆興初置至淳熙六年再置一歲課

利錢一百二十貫文夫二百千之微利而乃有私鑄之害慢神致旱之害較其輕重智者不爲也用敢備錄士民所陳冒干台聽伏乞詳酌具申朝廷即行住罷今苟不免以堯料之不二三年山竭鑛盡亦將必崩罷固不若今日之罷爲愈也堯謬膺邑寄敬神愛民堯之職也

忠節張公贊

明 范如岡 邑人

金玉其形丹赤其心龍章豹略其氣宇雲臺麟閣其功勳天平天平數陽九長逝哲人止贏得忠名冠世取義成仁麟趾鳳毛永若存更贏得綿綿奕世焚黃血祀福益清門

議駱馬政記

張真 邑人

君子之於天下也立法莫貴於中正而通變尤貴於宜民故法立而能守者所以爲善而輕於法者不惟殃民且得罪於名教非小也嘗考我太祖高皇帝起義駐蹕甯國周覽府屬六邑皆山重以馬政困之因設織染局以供上需意蓋以織局代養馬也若應天太平等府邊江場多則令養馬而免織局此皆中正宜民垂世罔極之典逮我成祖文皇帝入紹大統慎率由之至洪熙元年太平府屬繁昌縣民倡告遂變前法以所養官馬六十三匹寄養南陵積久爲常復責孳生民不勝苦時鄉

南陵縣志 卷四十 藝文

五

先輩陳公效任畱都戶部正郎耆民張公顯徐天祐曹綱等具狀告之兵部而陳公備白之因奏差黃門倪公駕部郎周公臨審以定式尙畱今養種馬七百五十匹不責孳生直年徵駒銀二千七百兩解太僕寺備買戰馬名曰備用民賴稍甯繁昌養馬僅二百五十匹草場多至萬畝數內撥場四百五十畝與南陵養馬仍占墾成田收利南陵徒爲虛數碑記可考成化末年因分封事煩又被繁昌告借夫役二百名與荻港驛應接弓兵三十名與三山司防護遂行告貼永充額外差多民累逃散者十之七八屢告撫按行本府計處前任府主胡

等咸恤南陵或議輕歲幣或議減均徭或議均夫兵於五縣然皆無裨馬銀之二三至府主及公則議將馬草民糧均之以助備用具申巡撫吳公行間適值高淳告變馬政而止又溷派南陵津貼驛傳銀二百七十兩民不堪命於嘉靖十五年告之邑牧北橋錢公另具本給道里費與張鑽張仲和奏行大巡游公未結而北岡邢公繼至志切救民遂行池州府主陸公勘處公任久素悉南民之困議如及公議以復邢公慮興民訟復行甯國太平二府會議時適南岡曹公以名科擢我府主下車首詢民瘼吏抱馬政案牘以呈公覽畢喟然歎曰有

南陵縣志 卷四十 藝文

六

是哉吾當救此一邑之民遂移關太平約會府主梅公如期至黃池公館議之慨然曰吾細閱南陵馬政卷案民苦額外之徵多且極矣不急處之邑將爲墟梅公亦仁者惟公議是從遂判復南陵荻港夫八十名弓兵五名與繁昌縣代編充草場四百五十畝仍與繁昌以貼夫費高淳驛傳與宣涇等五縣編審而南陵專養馬如昔因是三縣之民帖然心服取供具申轉奏欽依南陵之民至此始有生望相慶之聲決於遠邇夫繁昌馬政一變遂至六邑之民騷然不甯將百年一旦釋然以解公之仁大矣哉予又竊計公此舉蓋將盡復祖宗之舊

法而爲之地也後有議者不據公議以爲張本矣乎眞通變宜民之道也因是知中正之法立而變之以殃民者易中正之法廢而復之以宜民者難予固悉之俟後之議復法者考焉

良知辨

汪景邑人

良知良能出於性分之懿心之妙用也即晦菴所謂虛靈不昧神明不測以具衆理而應萬事者也惟其知能不待外求而妙用非由人爲是故知性知天窮神知化固知也而知至於天窮至於化亦能也能盡其性則能盡人之性能盡人之性則能盡物之性固能也而人已

南陵縣志

卷四十 藝文

七

內外物我先後處之各適其宜亦知也是皆兼體用貫動靜合顯微而一以貫之道乎聖賢無一偏之學故無一偏之論體道同則其見道不異見道同則其立論雖少有不同要皆出於實得之學而互相發明卒同歸於道者以其心之一也曾子言致知矣子思又曰致曲致曲固推極其至之義也子思言致曲矣孟子又曰擴充擴充固所以滿其本然之量也蓋聖門之學以身體力踐爲功無揣摩假借之似以眞知自得爲貴無模倣意見之私譬之海決百川之水同一水也月映萬象而萬象之月同一月也自孟子有良知良能之訓陽明乃

揭出一良字補在大學致知之中以爲致良知之學其嘉惠後學之意亦勤矣而古今讀大學者敢以致知非良知乎故以一言之善而取其一言可幾乎道可也謂一言之善而遂可以包括聖經賢傳之旨其亦示人以不廣矣夫陽明有所激而云也亦示人以易入之門而啓其不失孩提之心也陽明豈肯以一字爲可以該盡聖賢之統旨哉蓋道一而已卷之存於一心而放之則彌六合聖賢之言得之不外乎一身推而達之可通乎天下是故以兆人文以昭帝極以範世教皆是道也堯舜禹發天之祕而有精一執中之傳湯文周公孔子繼之衍而爲建中建極緝熙博約之學顏曾思孟得受之眞矣逮至濂洛濬其源紫陽會其成幽探性命之原博觀物理之奧析之極其精而不亂合之盡其大而無餘皆聖學致知之全功也雖不言良而良自在其中矣今之學者尊其所聞行其所知顧不曰堯舜禹湯文武周公孔子之學不曰顏曾思孟程朱之學而囂囂然曰我之所學陽明致良知之學也不知陽明之學果何自耶飯香黍而背其本酌醴泉而忘其源使陽明九原有知當不忍聞斯語矣故爲之辨議者豈以好辨罪予哉

南陵縣志

卷四十 藝文

八

中亭記

汪景

亭取中名中峰居華之中也命名者誰吾師甘泉湛夫子也夫子建書院於中峰落成之日乃來自留都偕門下諸友共聽講於書堂而於爲己爲人之訓諄諄尤不倦焉越三日重登眺巔贊行者獨陸侯以逸興獨追踵其勝跡景與施子大觀幸獲命侍從簪筆之列其亦不負遊山之緣也已日霧廓雲收海天來碧層巒簇擁獻奇競秀惟茲峰屹乎其中挹衆水之歸流環羣山之拱峙蓋化城以下諸峰未及睹也于是夫子景與地會物與目會趣與神會席草茵以幽憩攀松崖而遐觀進景謂之曰道至乎中而備山至乎中而勝其義一也子

南陵縣志

卷四十 藝文

九

蓋爲中亭以誌之因與陸侯各坐一石而定其號復指傍石示景以坐所豈非以中道立教欲人各知所止之意歟噫嘻自妙有開華之詠造化尤物之語一經品題古今豪雋慕華山者甯獨吾夫子哉怪如鬬雞麗如螺髻叢如蓮花古如老人峭如雲峰峻如天柱按圖望景莫不心駭目異爭欲一履其境然卒考其所之不過遵舊轍騁奇觀弔謫仙之遺跡窺地藏於幻化耳孰知華山之有中峰涵精蓄粹固不因見而顯亦不因未見而隱矣乎泉翁夫子以中道履天下之地以中心觀天下之物宜其中峰定天下之居然則茲峰之得爲中也雖

今日而始顯實曠古之有遭是故亭之作景不能已也雖然竊有言焉山之中以有定形人心之中以有定理無常在中無常名指是亭以見山之中可也拘四方上下之中以例吾心萬感萬殊之中不幾於執中矣乎後之君子登斯亭者玩中之義而求諸易之時焉庶不失夫子命名之義而知陸侯之守地者政出於用中矣景不敏敢規成亭制以申一中之教於無窮云

上五事疏

何 燿 邑人

嘉靖四十一年九月戶科都給事中臣何燿條陳五事一日寬民力近年有日事誅求民不堪命即以

南陵縣志

卷四十 藝文

十一

言之有加派養兵銀兩矣有坐派料價矣而軍門之外復有操江之募兵兵備道之壯丁府州縣之鄉兵焉料價之外復有採木顏料等項預徵勸借等名焉而當事者或已停而復徵或借一而科十俱當嚴革仍以明年爲始將民間額派錢糧銀數每家給一信票令官民各如票奉行有別名色者罪之其正賦積逋之數仍行各撫按官查係上年所欠者嚴限完解其三十六年以後每年帶徵三十六年俱暫停徵如解侵欺者仍清解如故二曰懲賊吏近奉明旨令犯賊官從重提問而所司難於任怨未見舉行請申明前旨凡滿貫以上盡數追

完方許發遣不惟貪吏知警且因而可以佐國用三曰重糾察人主深居九重而欲見吏之廉污於千萬里之外聞民間之悲歡於深山窮谷之中恃巡按爲之耳目爾今或善事上官者雖貪殘得舉孤寒寡與者雖清白見誣近欲嚴劾異同之罰固救弊一說然舉劾大同者亦未必不隨聲附和况巡按官事權極重督撫恐失其欲心尤易行私必吏部秉公以持羣吏之是非都察院據法以嚴回道之陟黜而後上下相維吏稱其職矣四曰正士風士風不正則請謁繁請謁繁則苞苴盛即如巡撫秩尊任重然一遇地方有事士大夫視如火坑苦

海廷推一及遽而倉皇涕泗當必旨意既下勿容推避則請謁少而苞苴不行矣五曰禁奢靡廷臣每遇歲時筐篚交通宴會雜還窮水陸之珍恣歌舞之樂而百技藝亦且日事淫巧以罔重利皆傷化糜財漸不可長宜重懲以法疏上奉旨以寬民力一事下戶部照所派年分催查正賦錢糧不許一概併徵以懲賊吏重糾察正士風下部院從實舉行以禁奢靡一事下禮部出榜禁革仍示大臣科道各加儉約以爲衆先欽此

上財用疏

何燧

嘉靖四十一年十月戶科都給事中臣何燧爲帑藏匱

詘歲用益繁懇乞聖明早賜計處以裨時艱以固邦本事臣竊惟我國家理財之法最爲中正歲入既有常經歲出亦有恒度蓋不啻周官之九賦九式然也加以我皇上恭儉愛養四十年於茲固宜國有九年之蓄家有百室之盈乃今觀之殊大不然臣反覆思維推求其故大抵內外之冗費太濫邊臣之請乞太多通負之禁例太寬貪殘之培尅太甚四者不去而欲求財之豐終不可得矣臣敢披瀝愚衷爲我皇上陳之嘗聞唐陸贄曰生物之豐歉由天用物之多少由人不節雖盈必竭能節雖虛必盈此古今不易之名言也今內外冗費奚止

一端前後諸臣之建議該部之題覆亦無慮數次然皆視爲虛文苟且塞責其所裁革不過千百中之二三耳無有爲國任勞實心幹理者夫開財之源不如節財之流我皇上登極之初一汰冗官歲省倉糧百餘萬近者光祿供應一經查刷歲省帑銀十數萬此其明效大驗也臣以爲宜勅下部院諸大臣或專勅科道官二員會同各衙門將一應冗濫如軍校廚役匠作等項竝官之當革者事之當省者通行查議著實舉行毋煦煦以市恩毋泄泄以將事省一分則受一分之益積一歲則多一歲之用去蠹補贏此其首務未可以爲細故而忽之

也至於各邊主客兵馬錢糧原有定額自嘉靖三十九年以前間有請討數亦無多今則日增月益不知其幾相倍蓰矣如大同年例原止七萬兩今則加至五十四萬有奇矣宣府年例原止八萬兩今則加至三十三萬有奇矣延綏年例原止三萬兩今則加至二十七萬有奇矣薊州密雲昌平平原無年例今薊州加至四十餘萬密雲加至二十餘萬昌平加至七萬五千矣他如遼東歲加至一十七萬山西歲加至一十一萬固原甯夏甘肅等鎮亦皆歲有增益大約通計一歲供邊之費須二百四十餘萬其數已益於太倉之歲入矣而各邊諸臣

猶以爲未足連章累牘日事請討夫師行糧從固難責其不費然不知果能調遣以時無復冒濫之失出納有經無復侵漁之弊乎臣未敢以爲盡善也夫今歲之加增即來歲之額例歲歲相因將安底極伏乞天語丁寧各邊督撫諸臣今後務要視國如家多方撙節不許妄行奏討該部亦不許輕爲題覆庶滄海之漏卮可塞而邊鎮之費用有經矣臣又聞各邊之匱乏皆由於民運之拖欠民運之拖欠皆由於有司之貪殘夫民者邦之本財者民之心今天下之民困苦已極所賴以生息煦然惟在郡邑諸有司夫何邇年以來廉靜者少貪墨者

多巧肆漁獵陰懷壟斷公家之賦稅未充而私囊已盈積歲之逋負未徵而科罰已甚荒年之賑恤未聞而脂膏已浚是何異牧羊於狼而欲求其孳且息耶近來撫按論劾多詳於貢舉而略於甲科多行於通判等官而不及於郡守至藩臬則率有舉而無効此貪殘之所以日肆而民生之所以日瘁也誠宜勅下吏部申明法典急洗頹風慎之於選用之初嚴之於考察之際但有贓迹顯著者嚴行黜治無顧一家之哭果能撫字畱心者亟與超擢無爲資格之限庶幾吏率其職民安其業即有水旱之災徵調之勞亦不致轉而之他矣臣又惟京

師爲四方之極積貯乃天下之命古人效賦於京師名之漕輸言其繼繼繩繩如水不竭也今太倉銀庫歲入不過二百餘萬已爲空乏之甚至於京倉所蓄僅足二年之用通倉已不及一月支放六軍萬姓咸仰給於此而各邊之空運四方之賑貸又無不取足於此不聞其灌輸以入但見其飛輓以出歲用如之何其不匱耶臣查得漕糧四百萬全運本色乃祖宗舊制比來停畱改折僅二百六十餘萬虧損京儲莫此爲甚該戶部題爲償運糧儲事奉聖旨是今後再有將糧米奏減折銀的條部科即時參奏重治欽此給事中趙鏘御史高應芳

節次題請覆奉欽依諸臣自當仰體聖心亟爲議復乃猶翫愒如故皆以爲船隻廢壞旗軍缺少故漕運諸臣樂於改折憚於更新非獨水旱寇患致然也此則總漕都御史等官不能辭其責矣自今歲始乞將漕運糧米盡復本色嚴責總漕等官令查理船隻處補旗軍以圖漸次修復務足四百萬原額毋得屢乞明旨臨期推調行之數年廩有餘積將何爲而不成哉此固充實京師之急務也臣待罪該科目觀匱詘不容緘默伏乞聖明俯賜施行臣無任戰慄祈懇之至奉聖旨戶部勘覆

奉巡按劉公書

何 燊

燊竊念禹稷思天下有飢者猶已飢溺者猶已溺每歎古仁人加意民物肫肫懇至非漫語也恭惟明公奉璽書出按東南任即禹稷之任也一夫不獲時予之辜心即禹稷之心也茲不揣地方痛痒敢代父老上達鈞聽敝縣苦於繁昌寄養馬之害相聚疾首蹙額不得已奉行臺下夫馬草之徵織造之設凡以昔不養馬之故今馬不可去則是二者之供謂宜獨免敝縣而均攤於宣涇等五縣江夫弓兵之銀昔以濟繁昌之衝今衝歸敝縣則宣涇等五縣江夫弓兵之力宜輟濟繁昌而獨助乎南陵此代父老叩訴者一也廣總兵備之增於地方

無益有害林梅墩疏中備矣該部極然其說而雙江翁裁革常鎮兵備之疏適至舉此遺彼恐不免咨行臺下覆勘近年巡撫以海防爲重經年駐劄是以常鎮之痛痒相關而甯池一帶或不免秦越視亦勢使然也夫地方凋敝省一冗員則受一分之賜矣此代父老叩訴者二也燊情切桑梓冒昧上聞且恐瀆闕人不敢彌封伏乞明公俯賜矜察爲解倒懸燊無任瞻跂之至

奉郡守近溪羅公書

何 燊

別來數月計此時久已下車平生遂養實見行事六邑精采當頓倍往昔欣仰欣仰敝縣養馬之累前已面控耆民奏訴本已投通政司此月十三日開封或得上月終方得下之撫按明公萬物一體之學討論有素此敝縣父老千載一時也仰惟俯賜鑑照力爲凋疲燊無任感荷之至

又

敝縣苦於養馬之害奉行撫按燊於秋間曾爲父老附啓臺下矣夫議草場議江夫弓兵係于繁昌議織造議草銀係于宣城等五縣不恤嫌不避怨爲凋瘵更甦此敝邑黃白百年遇一朝也本縣與青陽鄰而公館當移交界處以復先年之舊偏累之民庶乎稍蘇尤不能無

望於大仁人也廟堂此時景象一新故態稍稍去想公共爲國家慶區區不敢贅肅此仰祈鈞裁

乞除南陵養馬疏

邑民劉璣等詣闕奏

周

詩

知縣

奏爲乞查舊規祛偏累丐聖澤以甦民苦事臣甯國一府轄宣城涇縣甯國旌德太平及臣南陵六縣地界萬山之中原無草場額不養馬止立織染局一所六縣每年織造素緞八百疋三年改造花緞一千疋又科六縣田地每田三畝起馬草一包除宣城五縣外本縣田地科馬草一十五萬四千三百包零每年折徵銀四千一百七十五兩亦緣不曾養馬之故比有鄰界太平府所

南陵縣志

卷四十 藝文

十七

轄當塗蕪湖繁昌三縣額有牧馬草場派養駉騾馬匹以繁昌一縣言之今養馬二百匹其該縣草場共七千一百九十畝大約草場三十六畝養馬一匹緣此太平一府並無織造衙門及馬草銀兩此則哀多益寡以有準無萬世無弊之制也先年以繁昌路濱大江號爲衝煩甯國府六縣稍稍僻靜每年幫貼繁昌江夫二百名三山巡檢司弓兵三十名共二百三十名每名工食銀四兩共銀九百二十兩此亦以逸助勞以僻濟衝萬世無弊之制也洪熙年間繁昌縣將種馬六十三匹權與本縣寄養議將新林草場四百五十畝零分與本縣管

業彼時認是公家之務馬匹不多承領餽養豈料年復一年將駒作種迄今添成種馬七百五十匹照丁養馬馬頭餽養貼戶幫貼草料每馬一匹每年出辦草料銀六兩共費銀四千五百兩因江南馬匹矮小不堪起俵每年起解備用馬銀三千七百兩又騎操大馬七匹半例於江北買俵每年費銀四百兩共費銀八千六百兩而每年解銀官吏之盤纏管馬官吏之查點科罰南太僕寺之比較印馬察院之印烙退補不在此數向所議撥繁昌縣新林草場四百五十畝本縣隔越不便執業仍是繁昌豪民管占收花是養馬一節本縣歲費不下

南陵縣志

卷四十 藝文

十八

萬金矣近者江路險惡公差使客俱由陸路繁昌遂成僻地本縣東轅吳浙西通楚粵南會閩婺北達兩京殆無虛日因之每年編派接遞人夫四百名每名工食銀一十二兩通共費銀四千八百兩所養官馬不敢入遞另編接遞馬六十四匹每匹工食銀三十六兩共費銀二千二百四十兩以至勘合火牌應辦廩給口糧中火下程無時休息是本縣衝要一節歲費又不下萬金矣近年宣城縣平於額外那派本縣糧米七百石軍需銀一千五百兩夫南陵一縣始之以額不養馬因同宣城五縣共供織造馬草宜矣今既養馬而織造馬草之供

尙存也始之以僻靜不通往來因同五縣協助繁昌江夫弓兵宜矣今既衝要而求如繁昌昔年之得協助於他郡未有也昔也止受寄繁昌六十三匹之種馬而議分新林四百五十畝之草場今種馬加至十倍而并其向之所給草場無有也宣城以額外那派本縣糧米七百石軍需銀一千五百兩乃本縣養馬衝要二事宣城等五縣所無獨未蒙有憐其偏累者是以利歸繁昌害鍾本郡富在五縣貧累南陵膏脂竭於官馬筋力罄於接遞富者日貧貧者日散閭閻凋耗盜賊生發職此之由如蒙皇上憫此一方之民獨受偏虧之累乞勅兵部

轉行撫按多方區處事各有原物終歸本不受繁昌之草場則以本縣馬匹全歸繁昌牧養可也如謂莫非王土不獨累繁昌則當以原寄六十三匹種馬歸之繁昌而餘下六百八十七匹之馬均派宣城五縣可也馬草之徵織造之設凡以昔不養馬之故今馬不可去則是二者之供謂宜獨免南陵而均於攤五縣江夫弓兵之銀昔以濟繁昌之衝今衝歸本縣則是五縣江夫弓兵之力謂宜輟濟繁昌而獨助於南陵仍乞天語行勘衙門毋拘近日之成案而倣國初之舊制毋憚一時之更張而酌近日之事勢每年平多二萬之費則宜損益於

一府之中而使之得其平庶幾膏澤均沾覆盆蒙照矣
奏準行查是否繁昌權寄卽今應作何處分

附記本邑原無草場額不養馬明洪熙元年繁昌縣寄養馬六十三匹分與新林草場四百五十畝宏治中給事中倪天祥派虹縣馬增至七百五十匹歲課駒二百匹存否孽育不問正德以後並收折色歲徵銀二千七百兩周種馬倒死賠償不贖重爲民困嘉靖四十二年知縣周詩撰疏民人劉環詣闕奏聞始將孽生馬六百八十七匹變價八年奉例變賣四兩三解部仍存種馬六十三匹隆慶二年奉例變賣四兩三解將種馬盡行變價馬三十二匹歷九年知縣沈堯中兩解訖仍存折色備用草料每歲徵銀三千二百一十兩雖輪額外之徵然視昔牧養賠償勞費則稍一紓矣

乞均糧疏

邑民俞美用等詣闕奏

秦邦修

邑人

謹奏爲乞恩比例均糧革弊甦民事切照本縣田惟一等而糧則不同致引奸人作弊而細民受辜洪武之初相田肥瘠立則徵糧深爲民便奈何後來法久弊生以輕爲重以有爲無弊端迭出難以悉舉本縣原額官民田地山塘蕩塌六千四百九十八頃餘畝輕重等則科糧自七升起至五斗止每年共徵正平稅糧二萬六千一百餘石馬草一十五萬四千三百二包七斤軍需均徭里甲下程等項每歲徵銀一萬二千餘兩每年民壯水馬夫漢遞人夫一千餘名走遞馬五十餘匹費銀萬兩額外又被太平府繁昌縣初年寄養馬六十四匹今來

陸續增至七百五十四每年徵運備用解扛銀三千餘兩及印烙使用倒失賠償甚爲民害大則傾家破產小則鬻女賣男家戶皆然尤當痛恤又有北部不時坐派急缺緞疋及新增軍馬民壯折銀等項歲徵銀二萬餘兩前項科徵俱從田上派辦以有限之田地當無窮之差徭欲民不死且亡其可得乎加以大造黃冊之年奸民行賄里書玩法變亂等則飛詭田糧富者田連阡陌而糧不滿石貧者地無立錫而差不虛日甚者家無一分而戶載百畝家有數頃而戶無半分有開十收一中途隱漏者有開無收全不入冊者以致概縣田糧苦

樂不均近今查得田少數萬而糧折數千以致每年糧長徵收不穀起運莫不傾產代賠前項情弊俱有存縣案卷及遞年徵糧廢簿可查但據村落蕭然十室九空弊害不言可見痛恤膏腴之地偏富奸弊之家累害良善之人賠贖國家之課見有作弊人戶沈友良等欺隱田地至於百頃今被秦邦修王廷茂等首告撫按府縣狀卷可憑切思小民事上之道不過有田納糧有身當差而已今乃家有田者無糧戶有糧者無田歷年已久沿襲已成弊根盤錯卒難翦拔查得鄰近繁昌銅陵高淳等縣亦因等則不均欺隱田糧俱各具情奏准差官

丈量清出欺隱及見存田地不分高下均爲一則是以致奸民無所牘其弊愚民不致受其辜徵納兩便弊根可除及思本縣坐臨衝要往來使客絡繹不絕縣官迎送歲無虛日雖識民間利弊不暇爲民興革臣等深維弊害心切不甘伏望皇上痛恤民隱洞察奸弊拯救倒懸乞勅戶部轉行巡撫衙門行委清廉勤慎官員行提本縣耆民陶旭四等并知因周惠等臨區履段逐一丈量審實是誰戶下是誰管業清出欺隱然後共計該縣實在田地若干原額糧差若干比例一則均派辦納逐戶給與印信由票另造黃冊奏報定爲不刊之典如此庶

民無逃亡田無欺隱國課易足而公事早完矣嘉靖三十年十一月十八日奏

奏覆南陵縣乞均糧疏

孫應奎

戶部

嘉靖三十年十二月十三日戶部尙書臣孫應奎等題奏看得南陵縣民僉美用等奏稱田糧不均要行逐畝丈量均攤稅糧一節爲照天下府州縣田有定畝賦有定數計畝科糧一定之法那移飛詭律例昭然各有一定之規豈容使有不均之歎奈何人情翫愒法久弊生或有田去糧存而甘爲富室所買者或有有田無糧而欺瞞得計者或里書受賄而飛灑或開收不明而混亂

隱匿輾轉相沿莫可究稽負累貧窮誠爲可憫雖十年一造黃冊然有司率以此爲末務止憑里書造報竟成故事愈美用所奏不爲無因然亦恐不止邵陽南陵爲然其嘉靖十三年二十四等年陝西民楊林河南民原佐奏詞已經行勘去後延今未報查得均田糧事關民瘼一勞永逸誠公平之政也若使得人料理則富豪有田無糧者不得專欺隱之私貧民無田有糧者得以免包賠之苦催科甚易公私俱便實保愛元元百世之利也通議設處合候命下本部移咨各省及南北直隸各巡撫都御史及咨都察院轉行各該巡按御史務責委

南陵縣志

卷四十一 藝文

二十三

布政司并南北直隸各該掌印分守管糧廉正任事之官責委各州縣素有才望能幹正官將田逐一查勘內除各省田糧原清民無異詞不便於均者不必一概丈量致生騷擾外但有如前不均等處富豪有田無糧貧民無田有糧致累百姓包賠逼勒外竄者即弔取歷年賦役黃冊與應查地糧文卷到官督同各該有司掌印官較定官尺拘集各里排年里老并年老知識人等先責令報出某里原額田地若干內有糧田地若干又有無糧田地若干自某處起某處止四至明白各造魚鱗格眼文冊明白即地界上定立牌撥明書地主姓名畝

數在上然後委廉正府佐二并州縣正官如本縣正官才不堪用者另委別州縣正官幹理務要公同各該里甲眼同逐一沿區履畝從公丈量要見實有田地若干比之原額有無增損稅糧有無添減中間如有無糧田地許即首出並不追徵先年收過籽粒量過田地之處卽立小石碣封記以防奸民那移之弊各里通完然後總計各州縣原額田地若干稅糧若干好田若干瘠田若干照依彼中田糧則例令各府委同該州該縣官親定田糧上中下等級照畝均攤不許轉委州縣佐二及陰醫等官以滋多弊如有隱匿那移等項情弊許諸人

南陵縣志

卷四十一 藝文

二十四

業必廣有資益大鵬因風一舉九萬里努力遠大吾所期也故園松菊不可一日無主吾安能久於此耶重拂其意畱之不得乃復戒使治舟奉以歸於是爲生同門之士嘉生之孝而重翁之賢也相與詩歌以送之既彙寫成軸乃偕詣予備翁所以來去之故及各爲詩之意曰願一言弁於首以爲翁歸之榮嗚呼人莫不有親也世士夫急功名者一由資興以來惟高科厚祿是圖顧能拳拳於親蓋千百十一矧天時人事大有不克遂人子之念者生茲特拳拳於親必欲迎致以盡一日養其孝誠可嘉也而翁且諄諄以遠大望其子不欲其徒竭

力甘旨奉養以爲孝可不謂賢矣哉生學優而德贍予固第之爲太學最素與其可進者予聞翁生平剛直爲鄉里推重家業不甚裕而樂於教子善慶之所積天之道宜大發於其子聖天子以孝治天下太學養士以德行爲先生由茲敬遵父命求至於遠大則封章之恩卜日可沾人子之願不日可遂而翁之望慰矣翁歸矣諸生他日尙必有雅辭以爲賀

送何氏二子歸南陵序

歸有光

崑山太僕

自周至於今二千年先王之教化不復見賴孔氏之書存學者世守以爲法得以治心養性講明爲天下國家

南陵縣志

卷四十一 藝文

二十六

之具而孔氏之書更滅學破碎之餘又不復可以得其全其有足以意推而較然不惑者不過什之三四而已而儒者先後衍說作爲傳註有功於遺經爲甚大然在千載之下以一人一時之見豈必其皆無詭於孔氏之舊而無一言之悖者世儒果於信傳而不深惟經之本意至於其不能必合者則甯屈經以從傳而不肯背傳以從經規規焉守其一說白首而不得其要者衆矣間有不安於是則又敢爲異論務勝於前人其言汪洋恣肆亦或足以震動一世之人蓋漢儒謂之講經而今世謂之講道夫能明於聖人之經斯道明矣道亦何容講

哉凡今世之人多紛紛然異說者皆起於講道也予以爲聖人之言簡易明白去其求異之心而不純以儒者之說閼之必有庶幾於所謂什之三四者南陵何氏二子自蕪湖浮江而來從予於荒野寂寞之濱予嘗以是告之二子未嘗不以予言爲然也歲暮辭予而去惜二子亦方有事於進士之業而未暇於予之所云然二子要爲知予而其志意非苟然者昔揚子雲作太元以示劉歆歆號博極羣書予獨怪其無一言論元之是非而直以後人覆瓿爲憂顧於歆之意何如耳後之人奚暇論耶至雄之弟子侯芭獨知好雄書予非爲雄之學者

南陵縣志

卷四十 藝文

二十七

而士之知與不知則千載同此慨也

卹商疏

許夢熊 邑人

臣於萬曆七年十二月內奉命督理易州龍灣廠務比到任接管行事遵將八年分御用大炭照舊募商領價辦納連日出給告示無有應之者及拘到舊鋪戶孫潮等連名告稱近年衙門官多用費浩繁所領價銀不敷上納以致鋪戶王尙能縊死靈濟宮陳瑤等見在乞化上年東關地方有民張浩因應炭一千當夜自盡况兼近處山塲空乏出關採辦輒被官軍阻撓僅存潮等數戶力實不支懇乞放免回籍當差等因具狀到臣臣不

勝駭愕以爲聖明在上法紀昭森大小臣工罔不兢兢奉公秉度况惜薪司在輦轂之下甯獨不畏朝廷再三勅諭始肯承役而就肩挑買賣漿酪傭匠之家皆取充數至領價之日又復哀懇推挨押送上京交納如赴謫戍及臣默記姓名親爲查勘或將房屋拆卸或將墳樹砍伐或將男女僱賣以充鋪填常例打點擇納之費日擊街巷半空生意寂寞而各商情詞爲不誣也臣因於每撥批回之日稽其使用之數有掌廠有貼廠有副貼廠員役姓名無慮百數十有公禮有私禮有額外禮一撥使用奚止數百金而脚頭刁蹬稍不滿欲輒將成炭

南陵縣志

卷四十 藝文

二十八

敲碎大秤過收遮奪餘炭每萬之賠費者又不在正例之數焉雖內中時有忠廉渠衆亦不受約束不容商人控訴其凌制窘辱之狀又不可一言盡也且臣解批定爲五撥而彼故定爲十撥蓋多一撥則多一番常例有不依聽勒捐不收商人往返愁鬱略無甯時臣何忍坐視而不一爲之動心乎臣伏思祖宗節愛之意以惜薪名司誠念百姓輸辦之難欲當事者知所撙節耳然惜薪當自惜商始今商困矣薪安所出我國家享祚億萬年今本廠之役僅百餘年而商之亡去者過半若不及今撫措酌處安集則後此無疆之供應將安繼乎此臣

所以不畏衆口之忿而懇請於君父之前也我皇上如鑒臣愚誠所言必不敢謬伏乞勅下工部酌議將每年上納大炭定爲撥次秤收之日或比照別衙門事例差官鑒驗其管收內臣乞查照祖宗原額坐定員名餘如陸續新添冗員相沿弊例痛行裁革揀剩碎炭給還本商仍乞申飭地方官軍不得將應採山木概阻官窯庶困頓甦供應可前不惟我皇上法行自近恩被無疆而奉差部臣亦得盡職分而少塞曠瘼之咎矣爲此具本差典吏李思孔親齎謹題

培聖德疏

許夢熊

南陵縣志

卷四十 藝文

二十九

臣一介草茅幸生盛際仰窺我皇上勵精圖治之心與左右忠賢輔理之助亦既升斯世於大猷矣乃區區杞人之愚觸於邸報所傳及臣職掌所係者則猶不能以無言焉蓋識雖淺而根本之慮則深謀若疏而狗馬之心實切譬諸野人芹曝之獻非至尊所乏無而一念殷殷則有不容以或忽者惟聖明察焉夫臣所欲言者何一曰愼臣伏思我先皇陟遐皇上甫當冲齡中外人情慄慄危懼以爲祖宗莫大之基業僅托於皇上之一身皇上安則社稷安兩宮聖母百官萬姓安也今藉天地祖宗之靈聖母師保之力聖躬日就壯盛克堪負荷之

重羣情莫不欣慰以爲萬厯無疆之祚端可卜矣皇上於此宜益厚自愛重一舉足而不敢忘孝敬兢兢翼翼以奉父母之遺體以保祖宗社稷之身以永副億兆生靈之翼戴清燕之餘萬幾之暇則凝承冲默親近儒臣屏去非惑早毓聖嗣茂衍鴻緒以爲本支百世之計遠媲唐虞綦隆近比祖宗上壽斯上聖之逃觀敷天所共祝也有如近日所傳禁中馳馬一事若果有之萬一若石峻滑馭非調良或有疏轡蹄齧之患勢將奈何漢臣薛廣德曰陛下縱不自愛如高廟神靈何此臣所以中夜寒心而幸皇上之無此爾臣聞千金之子坐不垂堂

南陵縣志

卷四十 藝文

三十

神龍出淵蛇虺得而狎之皇上深居法宮出警入蹕忠賢在御儀衛日嚴猶懼有弗愼者在也乃如一二羣小導皇上以夜遊聖母不知師保不預皇上或因忿遷怒此曹無骨肉妻子之戀非有心脅憑信之誠安保其無他念哉漢明帝因怒自撞郎官其臣梁崧曰天子穆穆諸侯皇皇未聞人君自起撞郎帝怒隨止臣願皇上以禮自持舉動必愼如明帝之自起撞郎不足效也且聞古之聖君刀劍戶牖莫非箴銘未聞以兵杖短棍爲娛者也聞齊明盛服尊嚴若神者矣未聞釋去法服著窄衣短衫以便逸樂者也聞左右侍御皆正人吉士未聞

日與嬖近遨遊怠於政事者也昔漢文帝以鄧通戲殿上必令其請丞相受責周官寺人趣馬掌於宮正而太宰以大臣臨之是故宮府一心奸邪有所忌憚而不敢導人主爲非此哲王之懿矩也臣願自今事無大小人無忠邪皆付外廷從輔弼大臣處分一言一動師保是臨則皇上永無過舉如孫海客用亦永保富貴無此謫逐之行矣今左右近侍不皆孫海客用也如尙有之乞皇上一併簡斥以安忠慎之心以杜姦宄之漸而堯舜君臣之盛可快觀也惟陛下毅然行之勿聽其哀懇而悵庇之幸甚其二曰儉臣惟創業之君多起自民間知

稼穡之艱難閭閻之疾苦一錢一帛視爲民脂不忍妄用故人心愛戴天命攸歸至於子孫習享盈成見府庫之充溢忘積累之有年侈心一生揮如糞土祖宗以千百計後世則以千萬爲十百矣祖宗以養賢取功後世則以濫賞予恣奉享矣一旦帑藏告匱司國計者畢智殫心稍復盈數而人主耗費如前小民不復有措人心由此以漸失天命因之以改移著之史冊可鑒已我祖宗積世二百餘年城郭宮室宗廟百官封建邊藩邦國大小之用無一不出之於民亦可謂地無遺利矣頃者水旱頻仍閭閻蕭索當事者皇皇無計欲盡寬以爲民

則憂國匱欲按額以裕國則憂民艱其多方酌議以待邦家之用非易易也皇上數年加意節儉以需軍國之急亦非易易也乃百姓經營變湊剗櫟枵腹揮淚摧心以應有司之催科苛政尤有不忍言者焉故今倉若少充而臣竊憂其不繼在此時痛加撙節雖顆粒錙銖必爲愛惜以甦民生而祈天意以防戎鹵不測之需猶懼其不支也奈何於可已可緩之費輒取銀二十萬雖司農給舍爭之猶必足十五之數我皇上豈於四方水旱災奏一未之省乎彼時絀不能舉贏歲凶減膳樂以與民同憂者何爲也漢文帝時築露臺召匠計之須百金

歎曰百金中家十人之產也遂止宋太祖以公主侈爲服飾而勉之以惜福韓侯一敝袴也以待有功此皆賢主恭儉之德輔臣載之帝鑒圖說皇上所嘉納者也今奚不檢閱而見之躬行乎臣聞君者表也臣下影也君務行節儉而其下不敢貪墨猶之樹直表而得直影也我皇上雅慕節儉而不務見之實行是以一時有司諸臣不務惜民而務各厭其欲姑就臣所職惜薪司大炭每年除正價採運之外而鋪填常例商人率破產賠償百千成羣多方凌虐雖主者之賢亦莫能制焉在輦轂之下法紀所自始猶然侈肆若此而可以訓四方之節

儉也哉故臣願皇上思祖宗惜財命名之意納輔臣將順儉德之忠萬分撙節以寬惠困窮痛治貪殘以獎勵廉恥則有司庶職皆興起素絲羔羊之風而黷貨殃民者自遠矣人心天命有不永懷而永固者哉抑臣猶有願焉我皇上臨御八年未嘗一有疵闕固以天亶純粹聖學日新而聖母惓惓之慈訓輔臣蹇蹇之忠誠所以維持左右於其間者尤不可一日忘也今幸而內順外嚴治豈於泰矣亦思母子君臣永堅一念以共保泰於無疆乎昔傳說訓於高宗曰木從繩則正后從諫則聖我皇上諭臣以進諫矣盍亦思大小臣工得批鱗犯顏

南陵縣志

卷四十 藝文

三十三

時時陳保泰之說於皇上之前乎蓋股肱大臣既有心腹之契而調元贊化於中耳目羣臣復有骨鯁之節而宣德達情於下勿問於浮議勿安於小康使我祖宗艱難之業滋久滋昌與天無極則斯世斯民之至願也亦臣之至願也

崇正學疏

許夢熊

臣聞帝王之治必祖唐虞而其所以爲學必師孔孟蓋唐虞之世其君澹然無欲一切營營之感不入於心故化理醇而臻上壽萬世之稱帝王者必首焉孔孟之學本諸精一之傳而措之於日用切近諸不在六經之科

者不以爲訓故天下道德一而風俗同萬世之爲帝王者必師焉洪惟我皇上夙秉至性嘉慕前修尊禮師儒講求理道其於聖賢之學術帝王之治法蓋津津然直觀其奧而非尋常叔季之君所能彷彿於萬一矣但臣有一二仰窺聖心之易動而竊慮聖學之未純焉欲爲皇上陳之則事機若微恐忤宸聽欲弗爲皇上陳之則忠臣愛君必防其漸語曰涓涓不已終成江河臣言又似不能已皇上試宥臣之愚昧而垂聽焉臣聞至尊莫如天人君代天而爲之子故稱天子今黃冠道士張國祥者古巫祝之流耳乃對衆庶而稱天師此而稱天非

南陵縣志

卷四十 藝文

三十四

尊無二上之義也人臣事君由一命以上積資累考稱職無過然後循階而陟之自九品以至一品不啻九淵之望天際也今國祥以童豎之年素無勛伐一旦陟之崇階齒於公卿大臣之列使滿朝恥於爲伍得無非分而僭越乎此臣所謂憂其漸之逼而得肆其邪媚之說熒惑聖心將使皇上之道駁雜而不純如漢武帝宋道君故事其爲聖學之累不小雖其教相沿非自今始然明先王之道以正千古之非闢異端之邪以尊六經之教如韓愈所謂人其人火其書廬其居使天下帖然知國家專以帝王聖賢爲法以禮義綱常爲治亦在大聖

人之作爲耳惟皇上御極以來最慎賞賚非左右忠賢久著勞伐內安社稷外靖疆場者不得服玉帶今國祥以降革之餘特蒙恩復雖合門祝讚捐軀圖報亦其分也乃一供醮事即恬然受上賞而不辭侈然班縉紳而不讓忠而有禮者固如是乎昔韓昭侯藏敝袴以待有功今玉帶非特一敝袴也皇上即憐而賜之設有大功烈大助勞保皇躬奠鼎祚於億萬年之安者皇上復何物以賞之耶以賜道童者而賜助臣臣固知其不以爲榮勸也且天下藩臬諸臣先師聖賢之裔四彝酋長莫不以入賀而來萬口嵩呼同心祝戴皆以臣子之分宜

爾無敢希望皇上之勞賞者獨國祥蒙此殊賚豈惟手足一體之恩乎即四彝遠人見之將謂中國崇老氏而卑孔孟優童孺而忽老成其所關係非小矧春秋之義庶邦小侯不敢入居王人之右大夫位卑得以出監方伯之國凡以尊朝廷而嚴堂陛也今國祥以小道外來雖朝廷賜之秩當自與其流屬爲序不得無事輒入朝班越王人之上而傷內外之體臣願勅下禮官酌議俾其循分知讓庶體統以正羣情以安臣又聞東南水澇百姓告饑當事之臣救禦無策臺省諸臣亦既屢塵宸慮矣方此之際枵腹之民得斗粟可以崇朝得一金可

以卒歲皇上何不以眞人之賜爲焚獨之哀即不能家人益而萬姓之欣戴奚止如一人之懷惠已耶臣嘗莊誦皇上所撰十三事曰敬天戒曰樽節用竊仰歎聖人之學如此乎知所務也今天心示儆水澇爲災財絀民窮尤當樽節正神堯警予之時成湯責已之日將修省之不遑儉約之弗克又奚暇於媚福而耗賞耶臣願皇上顧繹初心始終典學察帝王中正之道重民生日用之倫純任經術以親賢臣勤修政事以任賢能毋弛務於荒誕不經非常可喜之事以求放心念天心之仁愛而儆戒無虞思稼穡之艱難而節省備至起居出入

罔有不欽飲食嬖御罔有不慎一動一履勿貽聖母之憂一言一行勿忘師保之訓則聖志堅定如水之不波聖壽彌臻如川之方至將億萬年無疆之休媲美唐虞而熙朝大一統之治卓越千古矣臣愚昧輒叩蟻誠仰干天聽如蒙聖明俯納乞將玉帶收回或命恭捧還家供奉不得尋常誇服玩褻聖恩更乞皇上併採芻蕘將臣疏所陳畱神省覽施行則世道幸甚

醴泉井銘

吳萬全

侯官教諭

陵邑城河淤淺居民往往病渴縣南有井頗深歲久湮廢沈侯乃濬治補砌覆以石亭汲者賴

之泉味甚甘故名醴泉銘曰

繫惟陵濠山源易竭萬姓水飲羣資井列邑南有井其深無底歲月滋多漸以頽圯侯念民艱匍匐而取以鑿以疏甃砌厥址復憂井所在衡之傍養人溺人我心孔傷乃區厥筵石亭鼎立上覆三眼下深百尺井泉如醴似侯之澤井養不窮維侯之德豈惟一井百廢具起爰作斯銘德政可紀

印峯許先生像贊

葉向高

福清大學士

於乎吾師其瑰抱淵植可以投艱大任動勳而胡爲偃蹇仕路官止曹郎豈衆口之謠詠謂衡蘭其不芳抑造

南陵縣志

卷四十 藝文

三十七

物之多忌蹶遠駕于羊腸其知者固以爲用之未究而不知者或以爲嶢嶢皦皦太露其鋒鋌於乎吾師艱難險阻亦已備嘗初猶跌宕繼乃發光固恬然與人無競而翛然與世翔翔獨其忠君愛國一念耿耿不忘故雖沈冥邱壑而結情巖廊今其往矣此志猶光我瞻遺肖戚然以傷雙旌五馬有祠孔將俎豆趨踰長葬桐鄉彼其崇高顯撫而湮沒不彰如電舉麟揚又安能與吾師絮短而論長耶

許母潘節婦贊

畢鏘

石埭尚書

南武選許君謁予而言曰熊之先君弟諱承舉

者早死其妻潘氏年甫廿一顧天自誓家甚貧連喪舅姑躬麻泉以自給抱二歲姪爲後奉祭與夫妾周朝夕左右茹辛苦相守年七十無疾而終蓋節婦云請先生一言以闡揚之庶慰死者亦以勵世焉予謂事關於綱常甚大且許君矯亢獨立勿爲卑瑣纖趨以求同於俗知其有足信也宜有言贊曰

我儀我特之死靡慙載咏柏舟誰不悽惻於維節婦抱茲貞白憂勞競畏若在夫側門單家薄勿違寢食剛烈肝腸陵陽有赫父曰處士舅有令德陶育儒門我心匪

南陵縣志

卷四十 藝文

三十八

石回首弱年猶如旦夕死而不死盍書於冊

南陵會館序

管橘

邑人

余邑士旅食都門向未有會館也謀之自乙未始比歲二三兄弟微有天幸一時聯轡長安各捐金若干緡迨積至辛丑甫創建焉從此聚日樂情日浹甲第蟬聯冠裳鵲起人文彬彬盛矣第館以會名則族類之繁眾難齊非布以條規曷示畫一之守事干會計則金錢之出入難稽非嚴爲查覈不免染指之嫌先是事起草率諸凡節目酌議未安往往因陋就簡弊且往來之禮廢而不舉報施之儀缺焉未全甚非萃渙合離信今傳後意

也會起部戴浴日先後綜理不遺餘力而適丁順宇高薦京闈劉崑海掄魁春榜衆謀僉同用是徧詢陳規考訂條約仍鑲成書冊告我同盟及後來諸賢務期齊心協助補苴恢拓用襄昌明之運其或有逾格敗羣也者則鄉館之所共吐也余鄉故多賢者必不其然即余言猶爲贅矣

賦役新書序

張其孝 知縣

往莊皇帝時撫江左者憫民之以役應也奏行條編法民便之南陵地當孔道於此法尤便亡何事久釁生一切錢穀絲枲之稅盡推之於官而轉出之於民以責供

南陵縣志

卷四十 藝文

三十九

頓以責兌輸其出納之際滿縮之間蓋難言之矣民應滋甚玆乎改絃而卒未也今不佞以拙宦令陵諸所張弛斷不敢以隅見從事必進邑之父老子弟周諏其宜而鄉紳先達通晰治體則就正亟焉蓋拔薤烹鮮之教素有慨於中矣合邑士民亮余之忱商所以洗宿弊起積疴酌規條以屬余余輒然納之以請於臺府諸公諸公大都摯於憫民者檄下一一報可期年以來奉行不忒民庶幾便焉第其間以折色之解屬官本色之解屬民而屬民者賦役書中新條未具若仍舊僉役則役不徧承而勞有偏受今之化瑟烏知非後之厲階也者適

鄉達侍御劉先生受命按粵西休節里中前議者更繙成案酌均派之法謁先生參訂之先生藉手教余曰法如是善也協民情遵憲令永永無弊可以式矣余於是欽先生之蒿目民艱而嘉惠梓里也如條議中所云去空簽釋偏累則役不以愚拙加不以巧規免先生以周恤海內之念亟籌鄉井編氓之苦眞盛德事已陵民積困得此法以紓之則民幸甚余藉先生之教克襄善政以謝陵民則余幸甚後之視陵篆者其無忘先生憫民之盛心乎是用撮集賦役全書分款補略壽之梓懸之邑門以垂永式

南陵縣志

卷四十 藝文

四十

長清張侯刻賦役新書序

劉有源 邑人

我張侯治陵四閱歲靡利不興靡墜不舉靡莠不剪靡蠹不剔而尤加意坊里罄搜其相踵陋格毅然更張以惟民便先是使車至陵廚傳供具悉取辦坊民坊民苦之當事者每議裁而終束於計之無措侯革之惟斷以屬吏胥吏胥取給公帑夫何難焉鄉一切部運責之民民且織路而歎軼掌侯以折色解屬官量費之盈縮而訂其額以本色解屬民酌任之輕重而朋其役規條既具急請之府道院勒爲式且壽之梓以示不朽而題曰賦役新書夫有田則有賦有役分固應爾若乃區畫失

宜至令勞逸懸而民日困且憊衆謂上何侯洞悉情弊區畫井井有條不可亂舉而行之以一以精誠貫徹其中而不徒以粉飾從事故勞與逸適均官與民兩便陵民始不苦穫薪而歌賴尾是侯大有造於陵也乃侯不自任以參訂之功歸予古有勤施而遜碩膚者侯之謂夫抑余有慮焉從古有治人無治法周禮一書周用之而王管子用之而霸荆公用其一節而國卒以不靖法非不善用殊其人耳予願踵侯者守侯之良法而并不失侯之美意庶無負侯盛心而我陵民亦得永徵福庇云

孝廉管四虛像贊

傅冠大學士

噫此予盟兄管四虛像也疑在視聽忽成今古噫四虛資秉殊絕學紹庭聞鷄林雉壇夙推祭酒至其孝友誠篤上接古人則又自締盟以來相視莫逆者也聆餘韻之猶存傷大雅之不作披其形弗見其人然當年意致宛在箇中雖球璧早瘞楨幹先凋或者悲之而追芳前武垂裕後嗣四虛自可不朽又不獨盟誼聲氣足擅千古也伯子嘉蘭走數千里索予題予嘉其不匱之思兼憶四虛昔時砥礪之誼臨池映對心手悽惻聊爲志其耿介或亦以老友片言可揚厲萬一云爾是爲贊

省刑箴

杜繩甲知縣

毋任威恣臆以國憲適吾喜怒毋徇情傾法以民命視若蠕蠕毋以其瞋目彊項口訥舌躓輒故加以深文巧詆之愆杖頭人鬼判筆底死生連一髮摘知痛一指齧知憐一日服敲撲三時未耜懸一夫繫園扉八口釜鬻捐動植皆是命血肉總關天所以于東海仁聲億萬年

省罰箴

杜繩甲

毋取民鬻兒賣婦之錢以肥妻子毋攘民析家破產之貲以腴屋田毋斂民啼飢號寒搶地呼天之怨以供歌笑之筵一贖百畝稅一紙十日饘一粒耕夫血風霜幾苦酸一絹織婦淚宵旦幾餐眠官府椎膏日窮黎疾首

年神明不可昧天道極復還所以楊伯起清風萬古傳